



KOMUNIKADO DI PRENSA

Willemstad, 30 mart 2023

TARIFA DI GASOLIN I AWA TA SUBI, DIESEL I ELEKTRISIDAT TA BAHA

WILLEMSTAD – Entrante djasabra 1 di april 2023 e tarifa regulá di gasolin ta subi na Kòrsou. E tarifa di diesel ta baha. Tambe e tarifa di elektrisidat ta baha entrante djasabra 1 di april 2023. E tarifa di awa ta subi. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Káلكulo tarifa produktonan kombustibel

E káلكulo di tarifa pa Mogas 95, Gasoil LSD, LPG 20 i LPG 100 konosé e komponentenan 1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa april 2023, en prinsipio ta basá riba e reserva di kombustibel disponibel pa final di febrüari 2023.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

Entrante 1 di april 2023 e kondishonnan di impuesto temporal ta kaduká pa kombustibel. E akseins pa Mogas 95 sinembargo ta keda sin cambio riba 31,07 sèn pa liter. Ademas e 6% di impuesto riba benta pa komèrsio por mayor i komèrsio por menor di Mogas 95 i LSD ta inkorporá. Impuesto di importashon i derecho di importashon no ta keda konsiderá.

E tarifa usuario final pa Mogas 95 ta subi partikularmente komo konsekuensha di e modifikashonnan den e komponentenan fiskal, komo kiera ku e resultado di e modifikashonnan den preis di kompra i e komponente Sùrplùs/Défisit ta hopi limitá. Apesar di e modifikashonnan di e komponentenan fiskal e tarifa usuario final pa Gasoil LSD ta baha dor di e bahada konsiderabel di e preis di kompra.

Káلكulo tarifa awa i koriente

E káلكulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di



koriente i gastunan di kombustibel.

E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes.

Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di april 2023. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di febrüari 2023.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E bahada fuerte di e tarifanan di elektrisidat ta resultado di e promedio abou di kosto di kombustibel pa produkshon di elektrisidat pa motibu di un bahada di preisnan di kombustibel den kombinashon ku e produkshon-miksto sperá (bou di kua un parti algu mas abou di energia di bientu i un entonashon di instalashonnan di produkshon mas barata) i un faktor di korekshon mas abou ofer di febrüari 2023. E omento di e tarifanan di awa ta resultado di kosto di elektrisidat mas abou pa produkshon di awa i un faktor di korekshon mas haltu ofer di febrüari 2023.

Aprobashon i fihamentu

BT&P ta asesorá Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu.

Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

FIN DI KOMUNIKADO DI PRENSA

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.